

---

Vår referanse 2020/39092-8  
Dato 09.06.2020

---

BERGEN BRUNSJ AS  
Kaigaten 12  
5016 BERGEN

Att. Åshild Røystrand

## Vedtak - Uteservering Kaigaten Kaffebar - gnr. 166 bnr. 663 - Bergen kommune

Vestland fylkeskommune viser til dykkar søknad den 25.05.2020 om leige av offentleg areal til uteservering.

Søknaden gjeld leige av fortausareal langs fv. 577 Kaigaten til uteservering for sesongen 2020. Det er søkt om bruk av areal til uteservering som er 1 m frå fasaden og 5 m langs fasaden til bygget med gnr. 166 bnr. 662 i høve til e-post sendt den 01.06.2020. Det søkte arealet har ei rektangulær form og eit areal på 5 m<sup>2</sup>. Dette arealet er ei vidareføring av eksisterande vedtatt areal utanfor Kaigaten 12 med gnr. 166 bnr. 663, og ligg langs fasaden på nabobygget til Kaigaten 12. Arealet som det er søkt om blir til informasjon handsama som ein eigen sak sidan det andre arealet allereie er vedtatt.



*Illustrasjon av søkt og tidlegare vedtatt areal for 2020. Søkt areal er blått, og tidlegare vedtatt areal for 2020 er grønt.*

### Generelt


Søknader om leige av fortausareal langs fylkesveg har tidlegare blitt handsama av Statens vegvesen i samarbeid med Bergen kommune, Bymiljøetaten. Vi viser til brev frå Vestland fylkeskommune datert 18.03.2020 med informasjon om at fylkeskommunen overtar handsaming av søknadane.

Vegareal sin primære funksjon er trafikkføremål for motoriserte køyretøy og mjuke trafikantar. I den grad uteservering ikkje kjem i konflikt med hovudføremålet eller andre gjeldande regelverk ønskjer vi å legge tiltrette for uteservering. Vi vil vurdere om det er grunnlag for å gjere vedtak om løyve til uteservering.

Med mindre vegstyresmakta har fatta vedtak om løyve til bruk av offentleg vegareal er det forbode å nytte offentleg vegareal til anna enn trafikkføremål jf. veglova § 57, 2. ledd, 2. punkt. Fylkeskommunen må godkjenne bruk av areal til uteservering både som grunneigar og vegstyresmakt.

### Vurderinga av saka

I Kaigaten har Vestland fylkeskommune lagt til grunn at ferdselssona på fortauet skal vere 4 m sidan det er høg ferdsel på fortauet. Dette er grunnleggjande i at det resterande arealet skal samsvare med føresegn § 6.3 for kommunedelplan for sentrum som krev minimum 3 m fri forgjengarbreidde. Vurderingane er gjort i samarbeid med plan- og bygningsetaten som har vurdert saka etter kommunedelplan sentrum, § 6.3.



*Oversiktskart over kvar ein finn omsøkt areal*

### Vedtak

Vestland fylkeskommune samtykker for sesongen 01.04.2020 - 30.09.2020 til utleige av fortausareal i 5 meters lengde og 1 meter ut frå fasaden langs Grønnegaten 1 frå allereie vedtatt areal langs Kaigaten 12. Dette gir eit totalt leigearreal på 5 m<sup>2</sup> langs fasaden til Grønnegaten 1. Samtykket for dette arealet er eit enkeltvedtak etter veglova §§ 9 og 57.



*Figuren viser ein illustrasjon av det nye vedtekne leigeararealet*

Det er forbode å nytte eit større areal til uteservering enn det vegstyremakta har fatta vedtak om jf. veglova § 57, 2. ledd, 2. punkt. Det betyr at fysisk avgrensing av uteserveringa ikkje skal gå over dei grensene fylkeskommunen har vedtatt.

Til informasjon vil Vestland fylkeskommune revurdere bruken av areal til uteservering før utleigesesongen 2021. De må derfor ta høgde for at det kan bli endringar i utleigeforholdet ved eit seinare tidspunkt.

#### **Opplysning om klagerett**

Det er høve til å klage på vedtaket innan 3 veker etter at dette brevet er mottatt jf. Forvaltningslova §§ 28-36. Klage med grunngjeving skal sendast til Vestland fylkeskommune med følgande e-post: [post@vlfk.no](mailto:post@vlfk.no). Hugs å merke med vårt saksnummer 2020/39092.

#### **Saksgangen vidare og annan informasjon**

Tilbod om leigeavtale vil Vestland fylkeskommune sende dykk i eit eige brev. De kan berre starte uteservering på arealet som er vedteke når leigeavtalen er underskriven.

Dette brevet må ligge tilgjengeleg på serveringsstaden for eventuell kontroll.

Med helsing

Ann Kristin Nes  
leiar

Marita Onarheim Rong  
ingeniør

*Brevet er elektronisk godkjent og har difor inga handskriven underskrift*

Kopi til:

BERGEN KOMMUNE  
BYMILJØETATEN

Postboks 7700